

越城縣廣勝寺



大宋新譯三藏聖教序

仙人說聖教序

六

六

御製

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣極清於三業途中經垂世以難窮道無私而永泰雪山貝葉若銀臺之耀日歲月煙蘿起香界之自遠巍巍罕測杳杳難名所以道資十聖德被三賢至道起於乾元衆妙生乎太易惣繁形類寢鑿昏明絕彼是非開茲蒙昧有西域法師天息災等常持四忍早悟三乘翻

仙人說聖教序

卷三

共字五

貝葉之真詮續人天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌沓妙法淨界騰音利益有情俱登覺岸無成障礙救諸疲羸冥昧慈悲浩汗物表柔伏貪恨啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆愼調御四衆積行十方澍花雨於金輪護恒沙於玉闕有頂之風不可壞無際之永弗能漂澄寂湛然圓明清淨之智慧性空無染妄想解脫之因緣可離煩惱於心田可以得清涼於宇宙朕慙非博學釋典微閑豈堪序文以示來者如糜塗燭火不足比之於皎日將微蠹量海未能窮盡於深淵者哉

迦葉仙人說醫女人經

西漢經藏經卷之三十一 醫女經 卷末

余時吟嘯迦仙人忽作是念世間衆

生皆從女人而生其身而彼女人從初懷孕至滿十月或復延胎至十二月方始產生或於中間有其病患於病患時極受苦痛我今方便請問於師稟受方藥與作救療作是念已即詣於師迦葉仙人伸師資禮而作問言大師迦葉是大智者我今欲有所問願垂聽許迦葉仙言恣汝所問時吟嘯迦仙人自言女人懷孕期當十月或十二月日滿方生云何中間有諸病患遂致胎藏轉動不安或有損者苦惱無量我師大智願為宣說救療如是病苦方藥作是問已聽受而住

尔時迦葉仙人告吟嘯迦仙言女人懷孕不知保護遂使胎藏得不安隱我今為汝略說隨月保護之藥懷孕之人第一月內胎藏不安者當用旃檀香蓮花憂鉢羅花入水同研後入乳汁乳糖同煎溫服此藥能令初懷孕者無諸損惱而得安樂復次告吟嘯迦仙言女人懷孕於第二月胎藏不安者當用青色憂鉢羅

花俱母那花根菱角仁羯細嚕迦等藥諸藥等分搗篩為末用乳汁煎候冷服之此藥能令胎藏不損疼痛止息晝夜安隱

復次女人懷孕至第三月胎藏不安者當用迦俱寐藥吐囉迦俱寐藥及麻根等諸藥等分以水相和研令極細又入乳汁同煎令熟後入乳糖及蜜相和冷服此藥能安胎藏止息疼痛若有患者服之安樂

復次女人懷孕至第四月胎藏不安者當用蒺藜草根并枝葉等憂鉢羅花并及莖葶等分用之以水相和研令極細復用乳汁同煎令熟候冷服之此藥能安胎藏止息疼痛患者服之而得安樂

復次女人懷孕至第五月胎藏不安者當用瓠子根及憂鉢羅花各用等分搗篩令細後入蒲萄汁乳汁乳糖同煎候冷服之此藥能安胎藏止息疼痛患者服之而得安樂復次女人懷孕至第六月胎藏不安者當用閉阿羅藥子摩地迦羅惹藥

薩訖多嚕藥各用等分以水相和研令極細復入乳汁同煎後入乳糖及蜜候冷服之此藥能安胎藏止息疼痛患者服之而得安樂

復次女人懷孕至第七月胎藏不安者當用蒺藜草枝葉并根搗篩為末用乳糖及蜜為丸用肉汁服之復以肉汁飡飢食之或食菽豆粥飢此藥及針能安胎藏患者服食而得安樂復次女人懷孕至第八月胎藏不安者當用三輪識藥蓮花青憂鉢羅花蒺藜草各等分以冷水相和研令極細後入乳汁及糖蜜等同煎候冷服之此藥能安胎藏止息疼痛患者服之而得安樂

復次女人懷孕至第九月胎藏不安者當用麻根迦俱寐藥舍羅鉢尼藥沒哩賀底藥各等分以冷水相和研令極細入乳汁同煎候冷服之此藥能安胎藏止息疼痛患者服之而得安樂復次女人懷孕至第十月胎藏不安者當用菽豆憂鉢羅花等分以水相

和研令極細復入乳糖及蜜并乳汁同煎候冷服之此藥能安胎藏止息疼痛患者服之而得安樂

復次女人懷孕延胎十一月胎藏不安者當用青憂鉢羅花婆路剛藥蓮花并莖等分以冷水相和研令極細後入乳汁乳糖同煎候冷服之此藥能安胎藏止息疼痛患者服之而得安樂

復次女人懷孕延至第十二月胎藏不安者當用迦俱隸藥叱囉迦俱隸藥甘草憂鉢羅花各等分搗篩令細以水同研後入乳汁相和煎熟候冷服之此藥能安胎藏止息疼痛患者服之而得安樂

爾時介縛迦仙人聞師說是女人懷孕保養法已歡喜信受作禮而退

迦葉仙人說醫女人經

迦葉仙人說醫女人經

校勘記

一 底本，金藏廣勝寺本。

一 七三二頁中一行至本頁下二〇行序文，諸本無。

一 七三二頁下二一行經名，石作「迦葉仙人說醫女人經一卷」。卷末經名同。

一 七三二頁下二二行譯者，徑、清作「宋西天譯經三藏朝散大夫試光祿卿明教大師法賢奉詔譯」。

一 七三三頁中二行第九字「林」，普、徑、清作「末」。下同。